

息齋集

八本



12253

誥封通議大夫前驃騎將軍遼東總兵

身懷黑公墓誌

銘

公姓黑諱際盛號昇寰遼東廣寧衛人也世家遼左
代有功勳列在前史著稱大姓公祖諱春任都督同
知封榮祿大夫忠勇公父諱雲龍任至總兵官封榮
祿大夫嫡母費氏封夫人公兄際光庶母婁氏所出
襲祖職任至叅將卒無嗣公行二幼失怙年十歲生
母金氏復歿依嫡母費氏以居遂襲兄職官都指揮
息齋集

卷六

五

使公性行至孝事嫡母不異所生嫡常病篤爲之求
名醫虔卜筮久之藥餌禱祀俱無效公計無復之焚
香告天割骨爲餌以進遂踏地幾絕久乃獲甦自是
公之孝行著聞遠近驚傳相歎慕不已年十八署本
衛事歷十年居官事理和平簡易不急名譽深得軍
民利便爭愛重之居身操持尤謹取予之節雖一介
必嚴蓋不惟官橐蕭然而家計半充爲官費於是薦
公者章滿公車遂陞西平營遊擊屢奏竒功所居軍

營寧肅復陞正兵營遊擊封驃騎將軍居久之凡軍士有疾病親至其卧處視之捐俸精爲藥餌有陣亡者必痛哭臨其喪買棺助其殯祭奠追薦厚恤其家既大得士心又饒有幹才屢見獎于上臺以公有能名且廉重爲諸職最委蛇任事和而能恭殆非他鑿鑿之屬激昂尚氣者比洵堪膺大任而綽如者遂以遼東總兵擬公公謂家人曰吾起家武職學術疎淺叨職十餘年得免瘝曠以貽我前人羞亦厚幸矣况

息齋集

卷六

高

此固重任于時事有甚難爲者吾焉敢倖邀一時榮利而不早自審乎遂以疾辭再三乃得允所請解職歸里軍民號泣若失慈母嗚呼輿情若此公之居官可知也已公雖身習韜鈴擐甲彀弓而性喜詩書居處每芸編滿架博覽無虛時兼工染翰興至則淋漓潑墨追似鍾王尤喜賦詩或雅客稠集摹聲選韻遂盈篇楮且工琴善奕琴奏六十曲極宮徵之妙終老不懈故雖名將家而氣宇敦碩意况恬雅昔稱諸葛

君真名士。今于公見之。辛酉歲。

皇清大兵入廣寧。公隱居吊崖山中。

太祖武皇帝聞其賢。遣官旌召。凡數次。公應

命赴闕。懇辭職。

詔賜原官。給俸祿。准其致仕。免差徭等役。

太宗文皇帝卽位。復召公任大冢宰。公堅辭。疏奏願退居

山野。奉誦玉皇經。以祝

聖壽。若必任以官。寧死以報。

息齋集

卷六

夏

命因准其住廟誦經。

賜號太和子。仍給俸。免差如前。

詔自是公二十餘年。足跡不出戶。凡

朝廷有大事。必遣官詔問。亦未嘗一致。公於殿陛。以成

公志也。公被

恩甚厚。優錫屢加。亦未嘗詣

闕。一謝。順治乙酉。召入京師。居禁城。大光明殿內。

世祖章皇帝常親臨至殿。必先

勅諭免其拜跪。凡一切宣諭及進見俱無拜。其所以隆公者有如此。按公自辛酉歲以後伏處草野。凡三十餘年當

皇清開運熙隆之日遇

列祖禮賢下士之勤。乃卒守所志。讀書彈琴。優游山林。以終其天年。至于

召入禁城。居光明殿中。諮訪

國是。屢詔無拜。此在

息齋集

卷六

真

聖朝隆賢之盛典。固已冠百王。而首出光于載而不磨。而公亦感佩

殊錫益殫。忠貞始終不渝。所謂非公不能徵

盛朝之大非

列聖亦不能遂公之高者也。順治壬辰歲公寢疾

上屢遣官存問。因不忍其歿

命取所遺以入。繼室趙氏以公之像獻

命懸宮中。嘗省覽復

命繪冬夏二影

御誥親題用國寶

賜趙氏供之

上每至殿內必至設像之處徘徊顧瞻不勝欷歔感慨

其身後之蒙

恩又如此公病篤時奏乞俸于繼妻又因黑氏無後無他支系以甥孫胡向化爲身後乞爲侍衛俱蒙

俞旨併免差役如公在公臨革之際神色不亂處置周

息齋集

卷六

五

詳他如弟子諸人皆有遺囑計公幼而孤又十歲喪母恒自傷不辰至暮年每念及二親咨嗟涕洟不減孺慕其一生歷事端方心迹光明洞洞屬屬惟恐有纖塵之累故其出入

三朝抗節明志累蒙優禮公卒之年遇

覃恩封通議大夫元配袁氏繼配佟氏俱贈淑人繼配

趙氏封淑人子二長劾祖廕驃騎將軍年二十五歲卒袁氏出次劾忠年二十六歲亦卒佟氏出趙氏以

嗣事叩

闡將家產歸甥孫胡向化以春秋祠事屬焉公生于丁亥年三月初一日辰時卒于壬辰年十月初八日未時年六十有六今年冬繼室趙氏將以公營葬于某山以兩淑人祔銘曰

翼翼黑公起家關東累世名將勲勒鼎鐘祖奮其哲父濟其忠公幼而孤哀思有仲割骨救母孝格蒼穹十八署事屢建奇功敷歷十載推公總戎公以病告

息齋集

卷六

夏

適逢遂釋橐弓鳴琴咏詩圖繪尤工隱居吊崖於焉以終

皇運累詔起公堅持素操恪守清風逮事

世祖居公禁中恩賚稠渥禮數優崇免公拜跪與公迎逢國有大議惟公是從思公不置懸設儀容春秋顧懷每眷

帝衷公有外孫名實庵洪繼公之後能卽公功帶劔履

恩錫方隆。無嗣有嗣。奕葉流鴻。遼山之陽。貞珉新礧。我書其實。千載無窮。

息齋集

卷六

夏



書其實千載無窮
恩錫方隆無嗣有嗣奕葉流鴻遼山之陽貞珉新礧我

奉直大夫前吳江邑侯莫萬劉公墓誌銘

三韓劉公莫萬于康熙三年四月內來令松陵歷任四載政績丕著最奏

上聞擢公秦郵州守吾邑中縉紳大夫士以暨鄉閭小民途呼巷語以爲吳江一日不可無公何高郵之幸而吳江之不幸也相與泫然泣下未幾以考成一毫未完之分數停公得稍留復傳相慶告蓋通邑之民幾得公一日在邑爲一日之喜而公亦必以一日

息齋集

卷六

享

在邑盡一日之事旋報完開復奉

命候補憇止吳門忽爾遘疾竟于康熙七年十月二十日卒于寓館嗚呼痛哉今公長君以中翰在都聞訃將抵吳先以公之懿略屬其弟淑寰來請余銘其墓中之石以扶喪歸葬嗟乎公之懿實卽公之治邑是已千秋萬世載諸松邑輿人口碑崇祀名宦俎豆實有彰彰不可泯者且余爲邑之人職官舊史所敬慕公尤甚其奚忍辭公銘謹按狀公諱定國字莫萬遼

東瀋陽人。劉氏世爲瀋陽名族。公父諱弘遇。字勉之。

當

太祖武皇帝開國。以文學授校書中秘。歷事

太宗文皇帝。積有勛伐。至

世祖章皇帝朝。南北一統。文教四訖。遂兩奉

璽書。巡撫江南山西。所至勞來安集。有惠政。進秩兵部

右侍郎。佐理樞務。時被

寵遇。傳爲盛事。大抵司馬公服官之日。秉持清節。不以

息齋集

卷六

夏

私累公嘗曰。爲兒孫厚積者。適資兒孫費。但瞻粥差勝耳。以清白貽謀。其家教可知已。公承司馬公庭訓。早歲素履端謹。卽以服官勵節。忠君報國爲志。故歷練精敏。明達機務。居父喪。哀毀骨立。如不欲生。時公母徐淑人已先逝。繼母唐淑人老病經年。常在牀褥。公奉持維謹。周旋湯藥。衣不解帶。及唐以壽終。公哀念之誠。久而勿替。厚具喪葬。易戚兼至。如前時。是以鄉閭咸稱公孝。發于天性。此公事親之大端也。公季

弟諱安國。今任完邑令。平時昆季之間。少以恭事。長以愛接。友讓摯誼。藹然盈于門內。逮析爨之日。涕泣不勝。自是分財不較。時人比之薛包之義讓。故司馬公嘗語公曰。吾薄俸。汝知之。然弟汝弟也。同異惟汝。哀益亦惟汝。竟以產業委公。不加分析。已早知公能撫其弟。而公果不肯。不泯卒如父志。此公友于之大誼也。公居恒獨處。立身以端。持身以靜。泊乎無爲。淡然自足。食糞衣敝。不近聲色。其勤儉以治身者。有如此齋集。

卷六

頁五

此公智識明捷。其與人也。能見其情。其歷事也。必裁以義。課子詩書。終日不輟口。一以忠信孝弟爲趨庭垂訓之端。以辨情晰理爲他日服官立政之要。其平居教子者。有如此。今

天子御極之三年。公以父廕。授吳江縣尹。命下之日。人爲公難之。曰。地處衝疲。民煩賦重。其何以治。公曰。我旣爲邑父母。惟體父母之名。以治家之法。治之。夫獄訟者。體國之大要也。獄訟繁興。爭端不息。其民必生

業不理。生業既荒。正賦何出。苟獄訟減。省鄉無斗。謹
民安生理。正賦何患。不給乎。先是公未至之日。餉檄
星馳。官以考成負累。比比而是。以致上下情疎。不遑
恤其民。民又因新舊併徵。致不能恤其命。松陵賦數
十萬。益爲加劇。公下車。伊始。釐剔弊端。卽蠲除一切
雜耗。俾民免私費。而毫釐皆入。正供。莅事一年。夏稅
秋糧。如期早課。兼清前逋。三萬餘兩。而賦額清矣。公
練達事理。善揣人意。松民訐訟者。卽以數言折之。唯

息齋集

卷六

夏

唯而退。于是人服其明。嘗勸止其民曰。事入公門。無
鉅細。動經時日。汝民不無廢業。且互相構結。怨氣日
深。由邑不已。必及府道。府道不已。上及督撫。連年不
解。必捐產營債。徒爲訟師黠胥利耳。故吾民苟非積
仇大恨。可已則已。否則從公議。否則赴吾。吾不過爲
汝平之母。致牽連不解。是以莅事之日。案無積牘。詞
不盈架。而訟爭息矣。先是獄中繫縲。嘗百餘。公莅邑
二載。獄爲頓空。僅止一兩人耳。獄吏告以獄空。無人

畏不敢守。請以舖罪益之。公曰：舖罪輕，獄罪重，奈何？以輕作重乎？叱之退。斷不以彼易此也。後兩罪減戍。園扉之地，鞠爲茂草，關鑰不下者，老以爲有生來目中所未覩，而囹圄空矣。吳江當太湖下流，乃古三江入海之地。自徐武功濬治以後，污萊壅塞，歲乙巳秋，湖水騰波，頃刻間民居盡淪于水。瀾望皆湖，公登城歎曰：吾民其苦矣。爰採故老之言，以鼓樓砥邑治前，素爲捍水久圯不治，公卽捐俸成之。不浹月而巍奠一新，又博攷水利之說，長橋爲三江咽喉，歷年橋旣傾圯，水竇全淤，迺議修復。吏引故事，請議城中坊保出貲，曰：此往例也。久之未報。公曰：爲居民平水道，爲行旅便車馬，吾何惜！傾囊倒篋乎？卽捐俸貲立成之。于是塘工繼起，南北坦途，往來無褰裳之患。且重治學宮，再起申明旌善兩亭，補葺城垣，再議起構縣堂，擇日鳩工，而秦郵之遷已至。遂不復舉。諸若此類，不費民間一錢，不支官庫一金，衆不役而事速就，而廢

墜畢理矣。邑當南北孔道，往年閩粵未靖，征調不息。所至騷擾，民人避兵如避亂，官吏畏兵如畏敵。悉索敝賦，靡有息肩。公才猷素著，加以苦心調劑，俾往來者帖然相安。自是邑無避兵之苦，其所資米豆薪芻牛酒，悉發橐金置辦，與市價等，而供億無煩矣。大抵公秉性峻直，見人有一善，務獎之，使其成；有一不善，務抑之，使勿之遂，不求名，不市惠。人有告以貧苦，卽捐囊與之，不少吝。聞有便宜民，卽竭力圖之，不以

息齋集

卷六

五

難成。自阻初試劇邑，能耐事治煩，催科非子夜不輟。蓋殫精嘔血，于爲令之道，亦幾歷星霜，幾費寢食矣。然官有餘閒，民有餘力，獄無罪犯，課無縮額，方隅六百里，家有衽席之安，則皆公之賜也。信乎視國如家，視民如身，所稱真父母者，惟公足以當之。惜彼蒼不稍假以年，俾略展其濟時之偉抱，而竟以是終焉。嗚呼！當公身沒之日，吾邑之人無賢愚，無少長，無不爲之稱公往事，涕洟失聲者，異日俎豆江城，千秋不墜。

又豈僅桐鄉禱祀之靈峴首墮淚之思已也爲之銘

曰

維古松陵大湖之濱渚田萊汙半長蒿蕪賦繁役重
十室九貧道值子午供億艱辛歷數長吏被劾以去
地方累官不遑寧處劉公爲宰廉清仁恕息訟止爭
正供廼裕百廢具興勿支官錢捐橐葺墜惟民是便
橋梁雉閣縣治巍然垂虹攸濬水利千年思公之德
震澤汪汪紀公之績穹窿並昂胡天不弔空餘甘棠

息齋集

卷六

真

萬民有口公也不亡

皇清誥封恭人吳母孟太君墓誌銘

三韓侍御吳公

生際

太祖高皇帝開基之會。夙負偉略。矢志匡時。誠五百年間出之名世也。從

龍入都。知國家武功丕殫。惟根本之圖。莫先于安民。飭吏。遂棄章京職。就文階。考授豐潤邑令。招徠安集。務稽勸農。凡四載。政通人和。受知于

世祖章皇帝。晉擢侍御史。歲癸巳。適余從中樞。謬承人乏。

息齋集

卷六

墓

濫竽憲總。兢兢以力持風紀。澄清吏治爲期。而公秉持清節。整綱飭紀。亦以安天下。致太平爲己任。與余志合道同。若夙契然。及余歸田。公之子來令。晉陵清敏。勤慎邑政。大理考成。報最。晉擢清華。余旣與侍御公周旋臺署。復從公之子。叨庇棠陰。誼薄雲霄。非特一日相知之雅也。今錫山公以其母太恭人狀來屬。余銘其墓中之石。余何敢以不文辭。謹按狀。恭人姓孟氏。父德春公。爲遼東清河衛世襲指揮使。母姓劉。

氏封淑人皆遼東右族恭人生稟淑質幼多警悟年十九來歸侍御公雍肅有儀祇事翁贈中憲大夫越川公姑王太恭人雞鳴夙戒不懈于禮侍翁姑左右必審伺飲食寒暑珍羞漿醴與夫統紉縫製靡弗當意且身自緯蕭緝績不恤勤瘁故敬供所嗜無匱乏恭人長于武功世族之家而夙嫻禮訓蓋其天性使然也於是越川公暨王恭人愛恭人甚以爲婦有德能襄內事備古淑媛之風而才識尤敏給偶試以外

息齋集

卷六

夏

事則言必中機輒有成驗于是凡疑事必諮于恭人益加敬焉曰他日相夫致其敏慎足遠患害而流聲名吾無慮矣侍御公奮志乘時大略弘遠遭逢盛際豫識天下大勢當奮自遼左必有英特奇謀之士雄武命世之材雲蒸霞霽羣萃茲土者乃廣爲延攬深相結納一切家產有無悉置不問以委于恭人恭人黽勉求之躬率婦婢早夜勤作家用以裕客至則盤餐時具紵縞贈遺皆出自紡績之餘而絕無倦心于

是四方賓客響附景從。咸人人得其歡心。而侍御公之名愈彰。因以保聚鄉井。室廬無恙。致三黨咸得所依。皆以推侍御之略。及恭人之助。云然。僅知恭人之助其家。而未知恭人且助公。以祗勤國是也。歲乙酉。侍御公就豐潤。令恭人則贊以撫恤。困窮招集流散。乘時墾殖。有能吏聲。及公擢御史。則贊以公爾忘私。國爾忘家。故侍御侃侃朝列。力以公廉砥礪時俗。一時有真御史之稱。而吏治一清。大抵士君子能達國

息齋集

卷六

夏

體識時務。亢然欲有所爲。而屑屑于家人生計之謀。則什且減其二。三若侍御公之志氣卓犖。遠謀廣慮。曾無幾微芥蒂于其間。而以精白一心。大起其功名。謂非中助之力不可也。及南服未靖。海氛猖獗。

天子加意遠疆。以爲非素有幹力。不畏強禦。如侍御公不可于是。

特簡叅憲漳南先是

王師旅集沿海居民始苦于賊繼苦于兵往往嘯聚山

谷逆我顏行勦撫罔效恭人贊于公曰由來兵之所處荆棘生焉皆官不養兵故兵出而擾民民益窮而爲盜清盜之源必先自養兵始于是軍楛廩給公應之于外而軍中一切袍服衣帽牛酒犒勞諸事恭人悉任之于內率家之僮婢晝夜督理日給數千常致有餘無或不繼由是軍無缺需民以安定而兵民交戢矣恭人又贊于公曰誰謂漳南之多盜耶皆吾民也棄之則爲盜撫之則爲民奚忍久遏其來歸之路

息齋集

卷六

墓

盡斃之鋒鏑下乎公于是亟下招降之令所在如歸市未幾而漳海悉平時各營俘獲老弱婦女不可勝計恭人又贊于公曰

王師所至當令仁聲先路况此屬無辜何可聽其瑣尾

叱離而不俾以生全歸其家室公乃得請

王命俾營間各出所掠之俘構室廬以居之給薪米以活之大諭民間所失親屬皆來識認完聚此公之保全漳南數萬家之父子夫妻者仁慈最厚陰德最大

而亦皆恭人贊助之所致也未幾侍御公又備兵懷
隆恭人隨焉一載轉楚督儲值李孽作亂奉

旨三省會勦數十萬軍需無間遠邇皆係公辦給時山
谿梗阻而轉運芻糧刻不容稽于是恭人親督家人
兩晝夜中立成布囊萬餘賫送軍前士氣加奮顧曾
不辭拮据以爲內助之道當如是也狀則恭人能識
先務審大體不以一家之豐嗇爲謀不以一人之勞
逸爲計如狀所云勤國事以爲家事由婦道而成臣

息齋集

卷六

夏

道古今來女史內則中所艷稱賢能並著可傳可誦
者洵未有若恭人也已若夫家庭之暇訓子錫山令
君言有可法行有可師兢兢于忠孝大節俾毋貽祖
考羞迨至服官尤以慎名節勤官守爲誨今日令君
之清比惠泉聲高錫嶺循卓冠天下大約皆本之慈
訓至于撫三孤姪曰應昌曰興宗曰興祖幼則教以
讀書長則爲之婚娶興宗官至嚴州郡守其子秉仁
復爲誨讀婚娶如其父以逮宗族之嫁娶喪葬及于

親知故戚無不量其多寡以爲助隣里之孤貧者咸
周恤罔缺焉其義問洋溢遠邇誠有丈夫子所未能
致者已乃若身貴而不遺情于荆布年高而不稍倦
于勤勞此又恭人之懿行徽德未可以盡爲繪述者
也嗟夫國之將興必有才人以開其先如周之文王
不特才如十亂若麟趾兔置之見于男子也自采蘋
采蘩喬木汝墳草蟲行露大率家室之篇居多故能
卒成王業端本化原若侍御公之忠勤憂國慷慨任
息齋集

卷六

墓

事○余○嘗○躋○之○今○讀○恭○人○之○狀○信○乎○國○非○賢○才○不○足○以
成○治○家○非○內○助○不○足○以○成○化○已○爲○之○銘○曰

蔚蔚遼土興

王○之○都○國○士○雲○從○女○德○亦○殊○卓○哉○孟○母○克○贊○其○夫○臣○忠
蹇○蹇○婦○順○瞿○瞿○同○憂○國○恤○罔○顧○勞○劬○有○子○惟○賢○載○纘
前○謨○孝○孫○繩○繩○用○昌○于○吳○世○篤○忠○貞○惟○母○之○愉

皇清誥贈承德郎四川順慶府通判前山西河東鹽運使司教授湛源秦公暨太安人郝氏合葬墓誌銘

康熙二年歲在甲辰夏六月古邾水心秦公由西蜀別駕遷司馬來佐我蘇居子午要衝凡師旅往來郵傳出入靡間晝夜加以湖氛未靖豪猾勾連秦公以緝暴禁奸爲務精心敏幹號稱神明上及憲司下逮百役交誦之無間言越三載歲丙午二月秦公以母喪欲解職歸于時上臺恐其去而難乎其爲繼也縉

息齋集

卷六

墓

紳士大夫與鄉邑耆民咸以時方多故須得精敏任事如公乃可于是強公視事更歲餘而解職今年夏公且去吳侯補如前職余方依然惜公之去而公以兩親之狀來屬予銘其墓中之石余退老田間目擊公泣吳事最悉其奚能以不文辭按狀公諱執中號湛源其先世本淮海之裔以宦遊魯地遂家于兗之鄒邑秦氏世稱古邾名族公之祖諱雄有名于庠父諱東安號右川以明經高等補恒山學訓生子四

人公其長也。公生而穎異，迥異凡兒。甫六歲，通孝經。小學八歲，治尚書、曉徹大義。十歲，能文言談行止。屹如老成人。每晨起，問安于寢室，必再拜，肅容整侍。父母命之退，始出就塾。命之食，狀後敢嘗食于親所。其幼儀之克謹已如此。及弱冠，成人，依戀庭闈，不忍輒離。左右晨昏飲食，必躬自審嘗。寒暑衣服，必親視澣濯。狀後進於二親，至於親有微疴，扶持抑搔，刻不敢怠。至病起，狀後已。其孝養之篤，摯有如此。公髫齡補

息齋集

卷六

墓

弟子員試科錄。輒冠軍，食餼于庠，名聲鵲起。時公父筮仕恒山，盡以家事委公。而秦族風最近古，或事詩書，或事農作，皆務本力穡。夙敦孝友，自公大父以來，同炊已五世矣。一飯千餘指，公理家政，井井有緒。自親兄弟，以逮族屬兄弟，下及臧獲婢僕等，無不人厭所欲。凡衣食之類，身甘龕糲，無纖毫私蓄。而于親兄弟，必致其豐美。卽宗族之間，無迫于饑寒者。以故族之遠近，無不敬慕公。以公之能篤于所親也。其一本

之克敦有如此公嘗自勵曰我幸生于詩書禮樂之家稍知孝以事親忠以事君之道迺不克自振拔取科第登仕版以裨益當世固無以篤事君之義亦何以仰副吾親繫望之心哉乃究心經術奮力攻苦每嚴冬寒沍伊唔至旦兩膝如削冰不知其困也課諸弟子姪雖溽暑必整冠肅衣反覆辨難務貫通旨趣乃已旣成鄉貢士操修學業彌進不懈其一生之篤學勵行有如此公心存施濟于窮蹙無告孤寡堪憐

息齋集

卷六

墓

者周給無倦色卽其人詐飾窘狀丐升斗亦明知之而無不應至宗族故戚之以緩急聞者逞逞典衣鬻產必有以周之其好施樂善本于至性有如此自壬申以明經廷對第一屢試鄉闈卒困于有司公居家日侍晨昏娛親左右已恬然忘仕進之思迨喪葬服闋始謁選博興學訓躬身率勵仿胡安定之爲師每月之五月之十訂期會講教以行月之三教以文嚴試如棘圍用是博興之士習丕變文風蔚起皆公之

有以率之也。課士之暇，相視學宮形勝，以宮外錦秋亭一帶沙水壅塞，有阻秀氣，迺捐貲開濬湖水，淪漣。盎狀錦秋本色，中植芙蕖，夾岸樹桃李。自後甲第連綿，觀者知爲興文之兆云。公在博興時，值歲祲，貧士無所得食，公悉發家中積粟兼程而運，凡五百六十餘里，抵學宮賑濟貧士之家，賴以全活。居四年，遷無極，教諭其課士，立規勤勤，勿替一如博興。越三年，遷山西運司，教授其倡率訓導，亦視博興與無極焉。公

息齋集

卷六

真

之師範造極，有如此。嘗按公之生平，孝友其大端也。以是爲學，以是爲教學，則由君臣父子昆弟夫婦朋友事事能究其理，而其極則歸于忠君而愛親，教則從易詩書春秋禮樂，言言能致其義，而其極則始于立身中于教家，終于訓人傳言。金口木舌，慎無以三居訓職爲天之薄報于公政，以厚公之積而流光奕葉于無窮也。尋告致歸里，縣舉鄉飲大賓，歿之日，遠邇歎悼爲墜一典型云。嗚呼，孝友教學風于其邑，真

足有光家乘國史也已太安人姓郝氏古邾名族郝雲齋公女也雲齋公積學累行爲世醇儒先是雲齋公夫人夢老人星入懷而孕太安人生六齡傅母授之內則列女傳甫成誦已能了其大旨及課他書則曰女子無事此纂組分內事也雲齋公奇之自是專守筐績間心慕古賢媛遺範居恒坐如山嶽終日不出一語不形喜怒并不聞嘻笑聲事父母朝夕惟謹及親有疾視湯藥必躬嘗故女德蚤著于門內云及

息齋集

卷六

墓

筭來歸贈公湛源先生時家政甚繁秦族五世不分爨食指千餘太安人職理中饋上自姑嫜中暨妯娌下及子姓以逮臧獲必人致其情無失禮奉侍厥姑如事父母勤劬勞瘁罔敢卽安而賢名大著家貧嘗紡績以佐贈公讀書織作伊唔恒相酬和丙夜不輟贈公方力學好古喜購古籍每遊市得書力未贍悵快若失安人則解簪珥以應之諸凡朝夕米鹽不以瑣褻溷贈公也饗殮酒醴酬應繁雜往往咄嗟立辦

應若影響不以賓客煩贈公也。贈公于是專意舉子業。逮贈公以明經對策舉廷元。屢授訓職。青氊片席。苜蓿一盤。時時相慰藉。及贈公歸里。每嘆數奇。弗遂遠大爲恨。惟期課子以有成。太安人贊之戒諸子勿問家人生產。朝荻暮丸。無間寒暑。由是諸子皆食餼膠庠。文譽藉甚。諸孫曾元五世。彬彬文學。稱鄒魯弟子。莫有盛于諸秦者。則太安人之訓督爲多也。雞鳴風雨之晨。太安人每當食潛狀以贈公。終老一氊。未

息齋集

卷六

哀

究厥志以大展其用。而專望諸後之人焉。于是季君以明經上考。授西蜀別駕。三載考績。以

覃恩誥封太安人。繼遷蘇郡丞。歲丙午。太安人年逾九旬。司馬公迎養來吳。東南諸紳士感司馬之佐。蘇多惠政。益歸德于母訓。各爲詩詞以助公彩衣上壽之歡。太安人爲之色喜。司馬公方自謂退食之暇。嘗依膝下。母間王事。母闕孝養。公署板輿之樂。人曾不我及也。而太安人誠之曰。我昔徵夢而妊。今得上壽。又

強飯不謂不幸矣。慮汝以庭幃定省分鞅掌勞。汝當
殫心佐郡。予歸矣。汝兄汝姪。咸能代汝朝夕。使國有
能臣。家有孝子。吾願足矣。歸未幾。一日忽謂諸孫曰。
頃有五人相招。於是室中香氣馥郁。經日不散。有頃。
復言曰。明日巳時當去。歡笑如常時。至次日晨興。櫛
沐畢。焚瓣香于家祠。再拜稽首。端坐內庭。手掄數珠。
朗誦阿彌陀佛號者百聲。復起拜天地。拜畢復就坐。
至巳時。瞑目吉祥而逝。嘗據狀按之。太安人之夙嫻。

息齋集

卷六

晁

女紅善事父母。謹身端範。也有女道。後能移其孝于
父母者。以事姑嫜。事夫子。至于妯娌克諧。誠信柔順。
也有婦道。教其子。必勉其成業。勤勤于王事之靡盬。
也有母道。而贈公起于身。修行立以儀家。教子終身。
一轍。自非安人之賢。不足以佐之。安人之淑。修懿範。
非贈公之德。不足以成之。何其門以內之流芳。萃懿。
若斯之全也。以此知秦氏之垂裕。真未可量已。爲之。

銘曰

鄒原廣衍兮古邾是封。鳧山奮起兮嶧巘玲瓏。昔賢
軌轍兮千古誰宗。秦氏家此兮五世居同。湛公孝友
兮兼資以忠。師儒濟濟兮三仕學宮。木鐸已振兮無
嘆終窮。賢媛居室兮勤佐殮。饗勉子王事兮。夙夜在
公。關睢葛覃兮。今睹其風。麟趾振振兮。百世昌隆。水
深土厚兮。鬱鬱葱葱。

息齋集

卷六

享

公關祖其遺令兮。推其風德。植淋淋兮。百世昌隆。水
與終。讓賢效忠。室兮。禮於。德。舉。下。王。事。令。風。文。士
令。兼。資。以。忠。朝。諫。齊。魯。令。三。仕。學。宮。木。鐸。已。振。兮。無
嘆。終。窮。賢。媛。居。室。兮。勤。佐。殮。饗。勉。子。王。事。兮。夙。夜。在
公。關。睢。葛。覃。兮。今。睹。其。風。麟。趾。振。振。兮。百。世。昌。隆。水
深。土。厚。兮。鬱。鬱。葱。葱。

前光祿大夫太子太保戶部尚書靜涵張公墓誌銘
康熙八年歲次己酉冬進士張君光第泣持其先人
宮保大司農靜涵公行狀來屬余誌其墓併爲之銘
蓋以余與公同登己未南宮榜有通籍之雅且相得
甚善以是屬余嗟乎余浮沉宦海幾四十餘年

今皇上御極得蒙

恩予告始歸老林泉優游田里屈指同年友見在家居
壽考者落落晨星若公當日品行甚高潔居官多經

息齋集

卷六

墓

術且余庚午以後歷宦豫楚間嘗與公後先同地同
官知公最深每慙步趨弗及今讀其行狀不禁潛狀
泣下雖衰憊不文其敢爲公辭謹按狀公諱有譽姓
張氏號靜涵其先世居無錫之景雲鄉曾祖諱輔號
玉溪始占籍江陰之青陽里大父諱汝翼號澄源邑
廩生崇祀鄉賢父諱履正號帖望前壬辰進士任廣
信府知府崇祀名宦以公貴三世皆得贈宮保尚書
累葉或隱或顯代有碩德令聞炳耀于時公生而岐

嶷不好嬉戲童年卽嶄狀露頭角曰吾先世以孝友
仁義起家母或墮紈袴習蓋早以名世大儒爲已任
已年十二隨父任南中時祠部葛屺瞻先生官舍相
鄰往受業焉先生以大器目公年十七婚甫逾月卽
之南中就學十八縣試童子第一是年遊郡庠乙卯
舉鄉薦已未捷南宮出闈脾疾作且怛怛心動不俟
捷卽出都門而父訃適至號泣馳歸抵家病益甚力
疾居喪不出戶者三載壬戌得殿試二甲應授北部

息齋集

卷六

五

公念母老不欲離左右力求改南舊例北部改南應
得禮部時無缺選君遲焉公遽就南戶部主政以遂
其迎養之志居久之北新關缺大司農具疏薦公力
辭乃就浦口倉差公泄倉事革冗役裁雜費而倉耗
減其十之三其收米必平斛給軍必滿斛用是屯種
積欠爭先輸納倉糧遂足大司農嘉公清廉任職必
欲委以關事浦差未回卽題權邦關公復辭不獲公
之主權也專以恤商爲主時小關久閉用防漏越居

民生理往來殊苦不便。公至卽開之，以便小民。而於商稅仍無漏越之虞。較准櫃等驗定船尺，正額完足五尺以下小舟，卽時開放。行旅如流，歌呼載道。當是時，璫禍正熾，凡官地方者，凜凜懼不克當。奔趨恐後。揚州建魏祠，郡邑咸集。獨關使者不至。久之，醴臺遣吏來趨公，公毅狀以疾辭，卒不至。此公居南曹時，首摧逆餒之一大節也。權關纔七月，陞饒州守公之治饒也。力省詞訟，奸黠之計罔施。禁絕餽遺苞苴之路。

息齋集

卷六

五

不行。月兩課諸生，與司李分較甲乙，鼓勵秀良，捐俸修郡邑學宮，併建尊經閣，置長桌於內，以供月課一時。文士蒸蒸向風，其留心教化如此。公尤尚德，緩刑。凡朔望必稽監簿，自徒刑以下悉從保釋。每季必親至獄中，省視疾苦，免其饑寒暑濕之患。恩不靳于罪囚。此公之治饒卓狀號良二千石之大畧也。是時方嚴叅罰郡邑，有司降級俸有差，饒屬餘干樂平，積逋最多。公列叅第二。時謝夫人卒于署，公以悼亡之餘。

思欲掛冠會江省糧道缺撫軍具題帶降二級陞督糧道副使公去饒饒民德之因祠焉公之在饒也具悉官旗兌運蠹弊因盡心釐剔江右一省糧倉皆布列會城章江之濱糧官運省交兌公爲親驗米色額限贈耗搭配停勻更設立長單欵列需索陋弊犯者令官旗填註繳驗諸軍貼然且無米色參差贈耗偏枯之異軍民便甚往時江省漕欠極多至是各縣俱有餘米余辛巳官江右亦承乏糧道時已逼除倉卒

息齋集

卷六

葛

受事○悉倣公成法而斟酌行之幸是年竣運亦最早先是建昌屬邑船戶舟覆失米百石久繫無補公將餘米補完放釋船戶糧艘抵淮因駱馬湖溜急船不得渡公令每船帶泥十擔不數日而隄成遂通緯挽又議每船派夫二名過溜如駛河水多泥飲者病腹公爲捐俸施茶人人德之丙子秋天津告警漕艘倉皇運卒多逃逸各省督漕不至公加工價并派船出夫二名退入海口防護巡守身乘飛棹往來慰諭衣

不解帶者兩月漕以得全是年江運獨先諸省丁丑
舉卓異陞七省漕道公往湖廣督兌闡水淺則令運
船入閘卽下板水盈始放晝夜督催不停分刻省起
剝無筭十三把總運竣謝薦及各州縣長夫例有餽
贈公一槩禁却漕臺楊君問曰院例皆收公何獨却
也公曰院差僅一年謝薦可收道運完仍留任若受
餽彼將無所憚轉索官旗不可禁戢矣楊君歎異久
之公廉得松郡上海兌弊按部水次爲飭漕規平耗

息齋集

卷六

臺

贈衛弁各相戒無扞公法倉棍衙蠹亦鼠竄潛踪旬
日告竣省民間米數萬松人建祠尸祝此公督漕時
聲望蔚狀之大畧也戊寅丁母艱公時爲職守所羈
未得親視含殮嘗以此抱終天之痛因茹素三年時
荆溪相再名注意公欲邀一面將引之大用公以憂
謝竟不赴服闋補順廣道赴任會值大荒後土賊充
斥公親巡各縣嚴保甲核虛兵務厲軍實爲有備無
患之至計壬午遷蜀臬公槩却長夫如前癸未春始

抵任時冢宰鄭公三俊疏薦公堪任撫軍初推登撫
再推秦撫皆不得旨時大計舉天下大廉能五人公
實居首奉有先予褒旌仍紀錄優擢之旨真異數也
公在蜀兼總藩臬篆文移旁午公案無留牘有欽案
擬贓千計力爲申豁藩司解銀裁革平耗立刻收兌
屬邑暨小民無不稱便臬司詞過半年檄准註銷郡
縣贖緩率多蠲免此公任蜀臬時左畫方右畫圓游
刃肆應之大略也癸未陞應天府丞士民皆號泣攀
轅久之得代歸時藩吏以存庫金五萬請充清橐公
麾不納會倉場員缺數推不稱旨最後屬公乃得旨
以南京戶部侍郎兼右僉都總督倉場上屬意公嘗
于御屏指公名曰張某是一清官且語忻城伯趙公
趙以實奏上爲拊髀至是始膺特簡云公歸自蜀驚
聞流逆之變受事南中歷少宰大農晉宮保追贈三
代如其官乙酉五月入武康山不問家事往來深巖
絕壑中凡二十五年不飲酒食肉不入城市不謁官

息齋集

卷六

莫

府會奉部徵不赴臺薦亦力辭以免康熙元年公子
光第以明經貢于京師越明年癸卯舉順天鄉薦六
年丁未第春官其存心忠孝制行高卓甚類公公之
積學篤行亮節鴻材受知主上而每遇阻尼時論傷
之蓋天以公之大業發于其子也流芳衍澤霞蔚雲
興正未可量已公居官無宦橐家居不免窘困而處
之恬如嘗晏坐一室手不釋卷著作之富盈箱溢篋
諸凡地方利弊必委曲條上當事鄉邑蒙利賴焉壬
息齋集

卷六

晷

寅大潦公首倡同里施粥全活甚衆甲午集子姓于
宗祠講學闡析微義遠近赴者嘗四五百人每月課
藝而差等之凡以文字來質者評論夜分無倦色故
公里文風士氣甲于一邑公之教也嘗述父廣信公
之言曰居官以清廉爲本清廉則無才而事自理不
威而人自服此吾生平佩爲韋絃子孫當世守者也
述叔父約所公之言曰居身以誠實爲本一句虛言
被人看破則一生言語無人聽信此吾生平刻自檢

點子孫當敬佩者也。又曰：事先以孝敬為主，未有不敬祖宗而致子孫昌盛者；待族以和厚爲主，未有不能和好宗族而能蒙祖廕者。此吾三代以來家法，吾常以之自勉，服之無斃。子孫當永遵守者也。又嘗戒其子曰：反身務要知足，須作退一步想，處世不越情理二字。世故不通達，只爲執理太過，不能體貼人情。若以情通理，便事事無礙。讀書之法，須一一銷歸自己，方受用得著。否則紙上陳言耳。其處身勵後有

息齋集

卷六

夏

若此公性至孝，幼好奕，稱國手，嘗爲父解圍，以爲笑樂。自父歿，終身不觀枰局。謝夫人孝事姑，甚得母歡心。夫人卒于饒，署不及，永訣公，傷悼倍至。後走黔蜀，間以夫人坐椅自隨。其外家墳塋，與祖壟址近，祭則必先往奠焉。昆季三人，公居仲，恭愛兄弟，子姓長幼視同一體。或子姓中間有過舉，溫顏諭導，無凌厲之色。鄉黨有事，曲爲調解，非意相加。未嘗與較。御僮僕雖嚴，不加箠楚。訓告不啻如子弟。其敦本善俗，有如

此居恒尊事孝經曰民行之本聖教之宗且行在孝
經孔子所自道因手箋義衍補一書行世初里中有
常惺師姓馮氏以廣州別駕薙髮立放生池于故居
以公年伯沈周兩公書致廣信公求爲護生書至而
廣信公歿公得書慟哭焚之柩前自此公終身護生
嚴捕捉之禁月買生放蓋成先志非獨修善因也每
樂與諸禪德談出世事沉酣內典大有領悟及持身
處世謂必當以孔子爲師如方員之有規矩故入山

息齋集

卷六

晁

不○異○緇○流○而○居○家○一○循○儒○禮○素○奉○先○賢○遺○訓○在○饒○刻
胡敬公居業錄在蜀刻來瞿塘易說廣爲流傳督漕
山左徘徊仲夫子祠訪其子弟拔其尤二人送學使
俾青其衿公之崇正道恤賢裔有如此嘗于河次見
繹夫貌類書生者病幾殆詢之河南王氏子爲後母
所逐試一藝頗佳遂厚予衣食諭以閔子之孝爲改
名學騫送原籍至則其父母方與其妻家訟乃完聚
同好卒爲中州名士以孝聞公在饒所取士纍纍科

第門墻桃李實繁此尤公愛惜人才嘉與後學之素
心也歲已酉邑行鄉約公率子姪往涖厥事諸人講
畢公登席發明六言之義懇切真摯聞者無不感動
流涕病中書問必親屬稿皆勤勤立身修行之事或
以節勞爲言曰生苟不以利濟爲念徒求安飽雖生
猶死也年逾八十數過時可聽之而已卒之前猶諄
諄遺訓子孫云年已八旬時至卽行爲子孫者當以
誠實存心以敬謹持身以孝友事親以勤儉治家以

息齋集

卷六

墓

謙厚居鄉以清慎守官以忠貞報國以讀書爲世業
以聖賢爲師範此則克家之子繩武之孫矣嗚呼讀
公遺訓數語真古聖賢範世之準則移風易俗之格
言渺論匪直公一家之著鏡已也平時心折靈巖和
尚適至永訣遂不復語夜半命解衣曰吾一絲不掛
盡去諸縛歿時惟呼母再三遂瞑所謂正念分明如
入禪定者非歟余于是按公一生事親孝事上忠兄
弟友夫婦睦接下溫溫自始至終操持凜肱大節細

行未之或墮以之入世而全體大用無不該以之出世而真參實悟確有據洵所謂真能入世者方能出世而曾不以富貴功名淳靈性之本來真能出世者方能入世而又不以虛無寂滅掩大儒之功用人生至此可謂體受歸全而無毫髮遺憾焉者已爲之銘曰

維公之德以孝爲先周于六行人倫罔愆高潔性成筮仕尤堅署必就冷差必辭羶燂方熾排衆挺狀

息齋集

卷六

夏

權關治郡商民二天釐剔漕弊董運獨前敷歷監司肆應皆圓峻却庫遺四知是虔權要來親遠若浼焉清官之名宸鑒高懸迨陟卿貳國事已顛蕭狀窮居二十五年講學尊經明道惓惓賑荒講約爲善綿連戒勉子姪務軌聖賢遺訓諄諄可法可傳研窮理學程朱比肩歿及竺典了悟入塵用世出世均陟其巔坦視生死允稱歸全子子孫孫音徽永宣爾昌爾熾百禩勿遷

皇清勅封文林郎江西道監察御史君達顧公暨元配
勅封孺人朱太君合葬墓誌銘

於都邑間有君子焉。其生也遠。近以爲式。其歿也遠。近以爲傳。且慕而史氏則執簡以書。汲汲焉唯恐歲月遷流。名實易淆。或不聞於後。武林顧公之懿行茂實。旣爲遠近之式。且慕矣。而其孺人之德。儷君子者。又竝堪不朽於其合葬也。其孤侍御豹文。挾兩先人之狀來乞余銘。余思當吾世而有君子其人。若顧公

息齋集

卷六

墓

君達暨其孺人朱氏者。寧忍以不文辭而使之有美弗彰乎。謹按狀。公姓顧。諱大觀。字維恒。號君達。其先世自越之上虞徙會稽。復自會稽徙武林。世系縣遠。不具載。公曾祖龍泉公。祖望龍公。考恒字公。俱一傳。至恒字公。舉二子。長卽公。次君明公。一女適聞氏。初望龍公雅好讀書。廣交遊。久之不得志。而家業漸落。因誠恒字公。詩書不足以療饑。去舉子業。專爲治生計。可也。恒字公遵父命。嘗往來東粵。謀化居。與恢舊

業公生而穎異。五歲讀書。日可百行。恒宇公旅行在外。望龍公愛公甚。時坐公膝上。口授易詩書。夜與俱寢。每覺必蹴公。令成誦。乃已。公年九歲。五經左國。悉能背誦。無一字遺。恒宇公質素羸。往來瘴癘之鄉。不能背誦。無一字遺。恒宇公質素羸。往來瘴癘之鄉。不勝勞瘁。年三十二。竟歿於粵。公年僅十二。聞訃哭泣。躄踊如成人。遂啓望龍公暨陳太孺人。欲徑走萬里。赴奔喪。所親舊咸爲驚嘆。哀其童穉。涉水登山。何日方達。然終不可止。望龍公卒。攜之以行。時翁年六十。

息齋集

卷六

墓

一矣。老翁稚子扶柩在途。發南海踰庾嶺。歷十八灘。下小孤。每遇驚濤駭浪。險阻異常。輒呼天號泣。路人爲之垂涕。公年十六。望龍公忽病疽。公侍湯藥。晝夜不解帶。及瘡潰。爲傅藥。藥漬十指。悉爛。公不顧也。旣歿。哀毀骨立。時遭兩喪。貨罄力殫。方恒宇公之歿。粵也以遺金托密友某。俾付公。及奔喪。往竟不可問。空以襯歸。迺竭力經營。始獲葬望龍公。以恒宇公附。而家已無隔宿儲矣。太孺人力貧撫孤。時感念哽泣。公

爲強顏慰解。迨朱孺人來歸。公扼腕嘆曰。爲人子而
不能將母。何以爲人。孺人卽請脫簪珥。售值百金。以
權子母。公諳計然策。數年家漸裕。遂致洗腆無缺。供
旣而爲弟婚娶。爲妹理嫁。咸秩秩成禮。太孺人爲之
色喜焉。年二十六挾策遊太學。與四方名流競藝。恒
標赤幟。逮屢發不偶。竟絕意進取。專以讀書課子爲
事。發架上陳編。誦之。凡輿地賦役諸書。靡不博覽。于
是天下阨塞險易。戶口豐耗。兵制強弱。下及土田水
息齋集

卷六

葛

利人物風俗。口誦心識。一一能指諸掌。嘗誡諸子曰。
學者讀書。當求爲有用。勿徒事咕嗶。以希一第。公在
雍。歷事久。例得除揀幕。檄趣公公喟然曰。吾鼓篋來
太學。志在進取。旣阨于數。豈復能低肩承人。聲咳耶。
其立志伉爽。塵視利達。有如此。公旣幼孤。事太孺人。
孺慕如一日。太孺人年七十。公五十餘。雖子夜歸。猶
必就寢室。察寒煖。視安否。至懷果餌。置枕側。不異童
時。其執太孺人喪。哀禮兼至。與弟君明同起孤苦。左

提右挈友于倍篤兄若弟年並六旬猶不忍析產迨
子姓益繁不得已分箸然每飯必偕其閨中娣姒亦
如之延師家塾課督惟勤不分子與姪至于嫁妹撤
孺人之奩爲甥娶婦爲甥女歸壻則又同子若女費
其孝友性成一段輕財賙急之心毫無異同于其間
有如此自公先世東徙已百五十年祖墓在越公春
秋祇勤祀事不稍怠年二十時忽夢大父體流血僵
卧庭中公驚哭失聲旣覺心猶忡忡動頃之白下信

息齋集

卷六

墓

至金陵火焚居積值數千緡皆以爲夢兆適符公曰
否彼千緡幾何而驚動祖先乃爾不數日族人來告
墓旁有穴而葬者因投袂起曰先靈夢示不妄誓以
死爭之然彼固強族訟牽數年未得直會其族有不
理葬者反爲公畫對詞驗之事乃決公于族姓無遠
近親疎悉敦厚有加至于婺而能守孤而無依者或
廩之終身陳太孺人有異母弟早歿遺孀爲李我存
先生長女公事舅母餽養靡間殆三十年同學龔華

茂先生一子不祿遺兩孫公教誨撫卹如諸孫諸凡
友朋之裔或令讀書成佳士或俾習一業以資身其
篤于宗戚朋舊殷勤切摯有如此平居囊無餘貲遇
善事勇爲不惜傾筐倒篋竟忘其力之有不足也如
橋梁道路爲之修築平治躬親拮据者不勝紀歲乙
酉潰兵自京口奔軼所掠子女流離道上公贖之省
還其家有故族遺落賴以完聚者甚多歲歉粟價騰
貴公儲粟亦無幾令家人食麥粥減留餘粟以給姻

息齋集

卷六

莫

族之弗克舉火者會稽故有田歲收所入供春秋祀
爲村人乘機剽食廉得主名公不問曰彼直以饑故
何忍與較比當事設法行賑公捐貲首倡猶日至賑
所部署簡察勿令胥役得因緣中飽其奮發爲義實
心任事有如此公性剛介負氣節凡事涉兩端必侃
侃持正不稍依阿居恒惟誠子弟飭臧獲從不以竿
牘撓當事至里人戚屬或有冤抑無告者則毅色昌
言之卒未嘗私人一揖謝也雖讌居不妄言笑房幃

中不畜妾媵。一切華靡事。絕弗動念。自侍御通籍十餘年。書至宦邸。但道平安。及申訓數語而已。膺

勅封後。彌自檢下。每徒步里社。偕父老講鄉約。或逢佳辰。令序則與二三故舊。過祇園花墅。優遊嘯咏。歸則課誦諸孫。率以爲常。邑中舉鄉飲大賓。以齒德首推。然偶一應之。不再赴。卽大典徵籍光寵。其自重有如此。昨年秋九月。公弟君明公無疾而逝。越二日。孺人又以嬰疾歿。公篤于天倫。至性過人。一旦疊罹參商。

息齋集

卷六

墓

沉痛纏綿。晷刻不置。自此遂得疾。時平時劇。今年春竟大劇不起。臨革時。惟勉侍御兄弟。篤念根本。無忘祖宗。殫竭忠。蓋上報。

朝廷勗諸孫。以讀書修行。毋失尺寸。一語不及其私。蓋公之學問。深到義理。明達方寸。有主。始終不亂。又如此孺人。姓朱氏。爲宋徽國文公裔。父曰思齋。世居錢塘。孺人年十八歸公。適遭公家產中落。弟兄孤露。孺人卽斥篋筒。供家計。殫心規畫。奉太孺人甘旨。佐公。

婚弟嫁妹。因惜已資。以備大禮。公于是擔簦遊學。肄業成均。無復內顧憂。皆孺人力也。孺人性明敏。善決疑。能斷大事。乙酉。江寧潰卒南走。杭人大震。恐爭携家奔避。陳太孺人亦欲渡江東歸。孺人泣留不得。于是侍御奉陳太孺人以行。獨孺人留視門戶。曰無傷也。

興朝方救民水火。聞師旅所過。雞犬不驚。度會城必安。若盡室徙。則家計蕩析。所失反多。非策也。已而卒如

息齋集

卷六

夏

所料陳太君行後。音問梗阻。孺人日夜泣。因成目眚。久之竟失明。會侍御令真陽。以地方荒僻。弗獲迎養。思棄官歸省孺人。亟傳止。勉以勤職報最。爲門閭光。斯稱孝之大。且云耳目關乎神明。吾寧終不視乎。未幾遇良醫療。之果得差。歲戊戌。侍御以治行卓異。簡擢臺班。孺人謂公曰。吾婦人何知。

朝宁事。然聞臺察居言路。職彈劾。所重知大體。須發言。關民生利病。政治得失。無事矯激。賣直博風。方虛名。

封公趨其言相與誠勉侍御奉教惟謹益慷慨發行
讜言石畫震動一時號真御史歲辛丑侍御奉

命按湖北差未竣旋撤然攬轡澄清得于庭訓者其效
彰彰矣歲壬寅侍御歸省期滿戀戀膝前孺人引大
義趣裝北上毋曠乃職侍御因遵命還

朝然思親恆心動正上章乞暇間孺人之訃音忽至先
是公弟君明卒之三日宗戚子姓以喪來者咸在孺
人悉召令前人人誨勉若將永訣狀而神色和平言

息齋集

卷六

晷

笑自若已而曰趣具香案吾見彌陀垂手相接時至
矣因合掌西向誦佛號千聲而逝嗚呼異矣殆釋氏
所謂正念分明捨報安詳者非耶相夫子兄弟同爨
四十餘年娣姒更司出納五日而代無幾微嫌隙中
間謀析箸輒相持泣議遂寢迨分析猶每膳必俱如
未析時視子婦輩逾于所生弗督責家務曰婦弟視
吾所爲他日足任家政矣訓諸女則令操作習勤苦
曰女將外適使佚豫是耽驟爲人婦其何以奉尊嫜

乎以故孺人聞教著聞戚里大家世族爭則傲之平
時賄卹三黨應人急難不稍靳殆與公相倡和云比
舍有狂暴以夙嫌昏夜叩扉肆侮孺人戒閹者勿應
并勿令公及諸子知曰斯妄人也不可理論第以不
見不聞處之渠技止此耳後其家果愧悔謝過常課
諸孫誦讀謂侍御曰人之資性可望而知不能者宜
令徒業自立勿徒艷讀書名誤乃終身也孺人與封
公白首相敬如賓所以教誨男女孫及諸甥者皆一

息齋集

卷六

墓

軌理道非刺刺兒女態洵婦道母儀爲能獨擅其全
者哉嗟夫余按公及孺人生平本末若置公于孝友
傳獨行傳儒林傳未知誰堪爲公伯仲若置孺人于
烈女淑行傳亦未知誰堪與孺人相比擬也卽太史
公操筆而起恐亦有未能盡爲繪述者已余于侍御
君有一日之雅見聞頗悉聊爲合誌其大者使千載
而下之傳且慕者庶幾有所考焉銘曰

越州蘊秀兮源遠流長再徙厥居兮卜宅于杭三傳

至公兮穎異非常九齡記誦兮腹笥洋洋十二而孤
兮扶櫬粵邦蕭條萬里兮嶺險灘長號呼顙天兮行
路淒傷六旬侍母兮孺慕曷忘爲弟婚媾兮爲妹趣
裝傾筐解珮兮內助實良荆茂不分分壺德彌彰賙
饑卹寡兮普惠周詳見義不爲兮無欲斯剛噩夢來
告兮山川致祥善無不報兮德固不昌

綸恩載錫兮積行彌芳永奉遺教兮忠蓋披揚山高水
清兮福祿爾臧

息齋集

卷六

墓

皇清誥贈刑科左給事中加一級前已未進士婺源
縣知縣六平金公墓誌銘

余家世松陵譜系所載自故元以來世代可稽相傳
金氏系出東漢宗室輝之受封烏傷至錢武肅鏐王
吳越劉氏避諱嫌去卯刀爲金氏其與義烏得姓之
始大抵相符此宗系之所繇合也前丁未榜諱世俊
與余先浮弋同籍至己未六平兄又與余同籍蓋宗
派同而氣誼又先後昭合焉今年夏六平兄之子漢
息齋集

卷六

墓誌一

墓

鼎以其先人之狀來乞余銘又自言生幼而孤不得
具悉先人之實惟吾叔核採而詳誌之余何敢辭謹
按狀兄諱德義字行之別號六平世居東浙之義烏
九世祖涓居繡湖之濱與景濂宋公子克王公同出
文獻黃公之門後兩公相繼登仕而公獨隱居有高
名詳載郡邑志中所傳有青村遺稿其略也曾祖諱
貢早世祖諱李方在襁抱曾祖母季氏飲水茹蘖鞠
以成立徙居浦陽東界之赤澗謹課耕讀用以起家

考諱文泰。持躬端方。課子尤嚴切。自宵達旦。咿唔罔敢或輟。得丈夫子四人。六平公其仲也。丰姿玉立。靜穆敦重。終日不妄言笑。學詩於慈水沈先生。光岳通四始。與義閱覽。默識沈先生。早異之。曰：子必爲國華矣。慎自愛。年十四。卽失恃。癸疚骨立。哀毀若成人。廬墓者三年。服食資於丘嫂董氏。公侍之甚謹。居小齋。顏曰靜澹。窮年誦讀。靡間寒暑。初補博士弟子員。時晉江子環張公以名魁領邑。每顧公而稱曰：子匪獨

息齋集

卷六

墓誌一

墓

以才勝也。識度亦過人遠矣。後登癸卯賢書。出別駕。陳公儒之門。及進謁。陳見公之儀容甚整。議論辭采。疊疊動人。謂所舉未能盡。公自失者久之。已而五上公車。皆報罷。人謂公且倦遊。而公益自勵。杜門却掃。惟日取陳編。博搜精採。經年累月。未嘗入郡邑之庭。偶士大夫有旅會。公獨恂恂退處。如不勝然。出則蕭然。襍被約素。自持。故閭里咸稱公長者。於時公所遊好。皆海內人望。若蘭岵朱公石簣陶公孟旋方公子。

卿徐公皆以學行相推。而方公嘗語人曰：李燔之進學可畏，張洽之勇不可奪，若六平殆兼之矣。已未會榜，出績溪李公某之門。其牘言簡理明，識學兼至。李公深許之，而策詞有侵及內庭者。時上方深居朝，多內忌。李公稍後公卷，曰：吾相與有成也。試大廷，除格當爲令。于是令婺源縣，縣治在萬山中，俗好勝風，多不馴。公慨然曰：此晦翁先生舊里，遺風獨不可振乎？爲之疎其節目，敷教以寬，每訊牘盈庭，一以誠信剖之。小大之獄，必得其情，表裏殫盡。處朞年，未嘗一言欺其民。民亦不忍以欺相與，併蒲鞭不示矣。若夫詰盜必斷，株引勿以波良者，惠奸也。至於治賦，必先期示約，或至再三，不加怒謫，曰：吾故拙於催科也。凡邑有興革，審其足以濟物者行之，必力不以輿言爲勸阻。曰：吾第求其便民而已。捐俸首新學舍，進諸士講肄，恂恂然澤於大雅。葺朱子綱目語類名臣言行錄等書，鐫之而不著名於簡。曰：吾取其足以教士焉。用

標榜也。又清文公祠田若干畝。俾朱氏世守之。勿墜先賢之緒。又念文廟山僻。樂舞久廢。廼考定古制。諧聲按節。始爲六佾升歌。環橋門而觀聽者。有淵然三代之思焉。先是邑山龍崧。蜿蜒勾已於龍船槽領間。土人多業爲墾。旦旦鑿之地脉。幾斷諸邑。老多播弃。投林公廼捐金易窰址。且禁勿再鑿。犯者以盜官物論。自後邑之東山諸老。或位冢宰。或晉大司農。或起憲垣。奮興岩谷。震赫班聯。咸歸功於公云。邑舊多虎。

息齋集

卷六

墓四

墓

暴行道相戒。非十百不敢行。公具牲醴爲文檄諸山神。俄而虎不入境。驚傳爲異。曰是長者之驗也。比於漢之劉氏云。公每親時政。操切心非之。曰不聞治大國。苦烹小鮮乎。何急張爲也。一意悃幅。所至期於貧弱有利。不肯脂韋詭隨。以筐篚相先。適邑豪某。夙爲大盜。逋逃主。懼公發之。然吏於郡與守相暱。莫可誰何。公廉得其狀。白於憲。竟寘之法。於是守啣公甚。爲蜚語中公。竟改公教職。解綬去。民遮道泣者數萬人。

閱十八載歲戊寅娶之父老子弟思慕公不替請於
督學御史祀公名宦亦以見直道之久而愈昭也公
自壬戌還里偃息故廬食其遺畝不攜婺源一物而
充然自足日徜徉於越溪山水間未嘗有不豫之色
蓋幾乎古之有道者俄於癸亥春患手瘍而卒僅年
四十有五卒之夕歎曰吾濫科第誼不敢負國爲吏
不敢負士民今無所恨惟念先人鞠我誨我不獲被
賤綸之典所介介惟是耳所著有靜澹齋稿挹蘭吟
理婺約言樂舞事略諸書藏於家嗚呼負大才如公
學識如公篤實敦行如公而僅小試一邑卒以鋤奸
投鼠解印綬去顧投閒未幾又不獲享有遐齡中道
棄捐天乎天乎其何可問耶使於其時一得當而或
爲諫官或躋卿寺其所建豎必有炳炳烺烺卓然可
觀者卽不然或稍假以年而老成具在典型勿墜學
古譚道繼往開來是亦君子之澤未斬其所以維風
易俗補裨世道人心良非淺鮮也夫何旣厄其用又

息齋集

卷六

墓誌五

夏

嗇其年幾與流俗之碌碌者同其湮滅無聞不能不
令人低徊善類而仰吁青天也然天亦未始不可問
公嗣漢鼎距公歿之年甫十歲煢煢藐孤乃克自振
拔力學能文譽騰鄉邑成已丑進士令涇陽凡五載
其所以愛民勤政疏滯起敝者一如公之治婺遂以
奏最聞叨

賜金賜衣之上賞旋蒙

世祖先皇帝臨軒親試擢置諫垣蹇蹇諤諤聲震蠻坡

息齋集

卷六

墓誌六

墓

天子嘉焉爰晉清卿將來宜猷効力所以報

主顯親者政未可量則天之所以酬公方奢而誰謂天
終不可問也公雖不得爲大官不獲享大年而有嗣
若此以彰無窮之令聞是亦足以傳也已爲之銘曰
嗟我六平履行不貳稽古力學士類標幟令于婺邑
仁明以治山俗剛猛進以禮義朱子遺風振揚暨被
卒以直去邑民揮淚公懷坦坦林泉高寄天不永年
倏焉垂翅惟是婺人積久愈思崇公俎豆以享以饋

皇天不遺有子克類科名繼武涇陽是泣誠信而寬
不遺父志

帝用寵嘉厚賜章異

親擢諫垣侃侃

廷議時望所屬豈惟卿寺善罔不昌德積而熾六平之
澤匪報焉遲薄始厚終天心可質

息齋集

卷六

墓誌七

夏

誥贈文林郎吏科右給事中訥公嚴公暨配江孺人合葬墓表

吏科都給事中今候補卿嚴君沆痛贈公當君未第時早捐館舍迨君爲京朝官距公歿且十年矣廼蒙恩予假得歸葬公于梅園圩之陽祈于時銜哀致誠得當世名公詳其贈公之懿德茂行泐于墓余亦爲之傳以應君之請今君又將以其母江太孺人祔距公葬又十年君旣悲太孺人之歿而轉悲贈公之墓木息齋集

卷六

墓表一

夏

行且拱也震悼猶新復以合葬墓表屬余余雖不文其何忍辭謹按狀公姓嚴氏諱敏更名武順字忍公晚年復故名易字訥公別號餘人係漢子陵後裔父太常順菴公諱大紀公其仲也兄弟三人皆以文名當世所號餘杭三嚴者也公嫡母高夫人無子母李生公與弟無勅同母伯兄母楊氏也公又撫于無子李氏蓋一堂四母公兄弟事之如一其兄弟友愛亦如一皆穉齡而孤相與篝燈夜課窮經史悲歡歌泣

靡所不合。公早慧，七歲爲咏蟲詩，年十四爲督學。蘇紫溪先生所簡拔，名震于庠。公兄弟自是文重。三吳爲時名士，公每試浙闈，不利，遂遊南雍。與方孟旋聞子將楊兆開諸先生講學，倡和牛耳詞壇。時文習久，剽多離經竊子，有江河莫挽之勢。公力追太始，首揚經傳，一去其支離浩汗之習，而制菘之文體，一正蓋自公始也。公又沉潛嗜古，好爲古文詞，靜謐遠到，典瞻風華，爲詩歌遠追陶靖節，章蘇州，閒曠清醇，而雋

息齋集

卷六

墓表二

三

永過之。于是三吳之間，來遊者日益衆，投分結納，無間。遠邇公亦慷慨交遊，間相契如兄弟。嗣講學于小築山房，爲讀書社，集其子弟門人，以源本經傳討論性理爲務。天下學者皆以嚴氏之學爲真傳。一時四方碩彥，南自八閩荆襄，北至三秦齊豫，以及豫章海虞澄江，句曲雲間諸名邦，贈編班荆，戶屢恒滿。凡藩牧有司，郡邑士大夫，咸造廬請謁，望見公顏色，以爲榮焉。公性善飲，種秫廣釀，與文人遨遊山水，麴生墨

史恒載以從事分曹賦詩傾觴極歡殊有晉代竹林
高致公詩文既絕所爲尺牘小品取法東坡山谷名
言疊疊饒有風致又工書法及六書各體皆爲時重
至于琴奕丹青無不探奇抉奧尤留心當世之務每
曰文藻雖工而不適于時用無益也舉古今成敗得
失歷代沿革典故皆如目擊其人親見其事燎然可
指諸掌其家法森嚴子弟咸肅敬無敢軼禮時伯季
之子曰渡曰津公之子曰沆皆後先有國士之目乃
息齋集

卷六

墓表三

三

雍雍門內藹如也是皆公之教也平時周恤里黨及
戚友之乏絕囊無長物往往假貸濟之辛巳杭郡旱
疫公爲勸輸賑給全活甚衆甲申兵起公謀保餘杭
請于令爲修武備廣儲蓄邑賴以安惜哉公不試于
時然丁明季末造文教中衰識者以爲運會風氣之
懼而公以一韋布振起其間遂力還醇雅如唐之韓
愈宋之歐陽使天下之人拊心抑志咸師宗之昔人
有推韓愈孟子功不在禹下而公亦能挽之如是終

以抑于當世。不克一展其才。僅稍稍見于救荒備患。諸小節。然公自是亦足以彰其梗槩。已甲申聞鼎湖之變。北嚮號慟。卜築西溪河渚。槿籬植菊。環以竹。逕作採菊吟三十二章。每棹槩扶筇。領七十二賢峯之勝。因題其室曰聊度。蓋取王無功聊度世以逍遙之意也。公既純孝篤摯。歲時伏臘。享祠展墓。每抱痛太常公之早背。于四母之家。贈遺周恤。毋稍異同。于其間。爲慈母服三年。哀毀斷葷酒。如同所生。兄印持公。

息齋集

卷六

墓表四

宣

卒號慟骨立。爲百憶詩。酸楚動人。弟無勅旬日不見。嘗中夜起坐。念之不忘。此公之忠勤孝友。不克徵爲世用。而至性不移。大節細行。罔或稍渝。殆勝于履富貴。席寵祿者。有如此。公早年問禪于雲棲。獲悟無生之旨。每與聞谷慧文。紹覺諸尊宿等。結方外友。武林禹航諸名刹。悉藉公爲外護。四十年如一日。晚值多難之會。嘗匡坐晏如。了不加意。季子渤弱冠。多才遭亂。殞于逆。世公恂然曰。聚散泡影也。悲歡電業也。靈

臺幾何其堪此淪喪乎蓋早已了徹幻緣足以知公
平時道德文章確有領會故能一死生解脫形骸臨
險患而不亂有如此公旣韜藏蘊抱惟著書以傳有
焉文集聊度居稿積分禱著等書數十種行于世嗟
乎傳所爲隱居求志沒世名稱者公殆其人也歎然
則公之德業文行肝腸氣誼炳炳烺烺于天壤間可
法可傳公雖歿而實未常亡也孺人姓江氏杭之名
族也生而孝友多讀書明義禮父文學叔洪公愛異
息齋集

卷六

墓志五

三

之擇所字久而未得嘗與贈公同藝學最契厚時贈
公元配俞孺人早世遂委禽焉結褵之夕贈公爲孺
人言曰從來人家父母不順兄弟不和皆由婦人而
起我家同居合爨希踪古人幸相黽勉勿以稚年自
怠孺人亦具以庭訓所聞答公也先是公嫡母及生
母早世篤事慈母李氏孺人色養惟謹歿則執三年
喪盡哀慈姑有繼女適陸嫁時營資遣送撤已奩以
爲裝歿又撫其遺女又爲陸女資嫁其事慈姑始末

如此贈公兄弟皆孤貧時相依倚齏鹽課讀孺人脫
璫珥爲資身則骨簪練服備針線以佐之而公屢絀
進取曾不稍爲芥蒂公雅好賓客廣交遊信宿歡呼
瓶罍未嘗告罄晚年公棄舉子業爲名山之遊結客
攜朋禪關花嶼暢意流連往往兼旬不返不計家有
無孺人課子若孫早晚勤事至于澣濯縫紉析薪餽
食俾屏居蕭寺絕無他營以擾其心其事公撫子旣
能勉禮賓朋兼能敦訓伯仲有如此庚辰辛巳歲屢

息齋集

卷六

墓表六

三言

荐凶家屑糠榆以充腹而公家之食指故繁孺人之
拮据尤苦乙酉突僱兵燹嘯聚潢池焚掠時至孺人
于此離憂患中多方保濟時季君竄徙驚悸感疾而
殞孺人傷悼過甚且轉輾流移盜氛不息而贈公復
卒于餘杭之遷居孺人重感憂勞且疊嬰悲傷以致
成疾此其遭變亂歷艱辛獨力撐持于凶荒死亾爲
丈夫子之所難能者有如此迨長君服官以來晉掌
刑垣端理

朝審孺人詔之曰汝家世仁德太常功在民生而父雖不見用卽迪吉錄一書實不忘所志以立其言言足善世汝今職封駁須爲所當爲可無佐

聖天子欽恤至意以廣乃祖乃父之遺緒耶自是給諫君多所寬恤奏書每進

上覽而嘉焉多奉

俞旨此皆得之慈訓也嗣後或宦署閒居或千里致命惟以服官盡職求爲人臣以盡爲人子之道雖古名

息齋集

卷六

墓表七

三

媛不過是孺人二子皆自乳抱曰吾非不能僱乳倘習氣漸染如古人胎教何故寧自勞苦耳及兩子長而受書贈公每急于成名呵責幾過孺人且解且諭聲與淚俱至于校莠試文慮蒙呵譴嘗丙夜以伺至有徹旦未寢者視前後兩媳如子憐愛備至得一孫男女卽爲之保抱攜持惟恐弱媳之勞乏以故兩媳殫身不忘婉轉姑側皆以母恩難報爲言此其慈恩可知已若夫周戚族御僕婢惠而有禮和而多恕此

尤○詳○細○節○持○大○體○敬○恭○以○律○已○忠○孝○以○誠○後○者○又○如○
此○嗚○呼○按○贈○公○于○文○教○寢○衰○之○季○卒○能○抗○跡○壇○坵○橫○
經○講○義○俾○學○者○知○傳○註○守○正○學○一○切○剽○竊○亂○經○之○習○
若○迅○風○之○捲○秋○籜○功○不○可○謂○不○高○矣○卒○不○能○博○一○第○
以○大○展○其○志○至○今○學○者○傷○焉○若○孺○人○佐○公○力○業○律○身○
以○教○其○子○子○克○有○成○矣○更○篤○其○孫○身○膺○翟○蒞○將○一○紀○
而○終○天○之○報○施○善○人○寧○有○艾○耶○今○長○君○受○知○

聖主成進士卽讀中秘書改授諫垣慷慨論列清論滿

息齋集

卷六

墓表八

真

朝而公之長孫曾架復從中秘授給諫旋遷御史臺次
孫○榘○又○讀○孫○吳○書○鷹○揚○盛○世○一○時○父○子○列○臺○諫○之○班○
栢○梧○接○武○弟○兄○奪○武○文○之○幟○揆○奮○齊○踪○猗○歟○休○哉○信○
乎○嚴○氏○之○文○名○滿○天○下○惟○我○公○與○孺○人○實○振○起○之○嚴○
氏○之○功○名○亘○奕○世○又○惟○我○公○與○孺○人○實○厚○培○之○已○余○
故表而識之以俟後之採風者攷焉

